

第四三七冊

博物彙編

藝術典

醫部

(卷)

一五—一六

古今圖書集成

中華書局影印

古今圖書集成
卷之七

七

古今圖書集成

卷之七

欽定古今圖書集成博物彙編藝術典

第一百七十五卷目錄

醫部彙考一百五十五

齒門一

黃帝素問

上古天真論 診要經終論 陰陽

靈樞經

經脈篇 邪客篇

扁鵲難經

難病死候

華佗中藏經

驗病死候

孫思邈千金方

論齒

楊士瀛直指方

齒因 毒瘡痛 齒微痛

寶漢卿瘡瘍全書

牙癰 牙腫 牙疳

劉完素六書

寒入關痛

張從政儒門事親

痛周火 風疰瘁

李杲十書

論齒 熱痛

朱震亨心法

痛屬熱

虞搏醫學正傳

論齒

戴思恭證治要訣

痛齒

李時珍本草綱目

食脫齒軟

王綸明醫雜著

牙痛腫痛

李梴醫學入門

風冷痛 宜露搖動 風熱痛 忌寒忌

龔信古今醫鑑

風法 痛齒

薛己口齒類要

總論

張三錫醫學準繩六要

論酒色因

王肯堂證治準繩

齒部所屬 骨槽風 上齦

陳實功外科正宗

齒病 走馬疳

趙獻可醫貫

齒論

吳崑醫方考 齒病方論

張介賓景岳全書 論證 治法

陳士鐸石室秘錄 生齒 固齒

方一 細辛湯 白芷湯 當歸湯 定痛散 溫風

清胃散 羌活散 雄黃定痛膏 殺蟲丸

牙痛散 牙疳藥 牙疳藥 牙疳藥

牙疳藥 牙疳藥 牙疳藥 牙疳藥

牙疳藥 牙疳藥 牙疳藥 牙疳藥

牙疳藥 牙疳藥 牙疳藥 牙疳藥

牙疳藥 牙疳藥 牙疳藥 牙疳藥

牙疳藥 牙疳藥 牙疳藥 牙疳藥

牙疳藥 牙疳藥 牙疳藥 牙疳藥

牙疳藥 牙疳藥 牙疳藥 牙疳藥

牙疳藥 牙疳藥 牙疳藥 牙疳藥

牙疳藥 牙疳藥 牙疳藥 牙疳藥

牙疳藥 牙疳藥 牙疳藥 牙疳藥

牙疳藥 牙疳藥 牙疳藥 牙疳藥

牙疳藥 牙疳藥 牙疳藥 牙疳藥

牙疳藥 牙疳藥 牙疳藥 牙疳藥

牙疳藥 牙疳藥 牙疳藥 牙疳藥

牙疳藥 牙疳藥 牙疳藥 牙疳藥

牙疳藥 牙疳藥 牙疳藥 牙疳藥

牙疳藥 牙疳藥 牙疳藥 牙疳藥

牙疳藥 牙疳藥 牙疳藥 牙疳藥

牙疳藥 牙疳藥 牙疳藥 牙疳藥

牙疳藥 牙疳藥 牙疳藥 牙疳藥

牙疳藥 牙疳藥 牙疳藥 牙疳藥

牙疳藥 牙疳藥 牙疳藥 牙疳藥

矣齒長而垢骨氣洩也腹脹閉上下不通者心腎

水火之氣並絕而不能上下交通也

陰陽應象大論

岐伯曰陽盛則身熱腠理閉喘滿為之俯仰汗不出

而熱齒乾以煩冤腹滿死能冬不能夏

陽勝乃火熱用事故身熱熱在表則腠理開熱

在裏則喘滿陰勝在腹則為之俯陽勝在背則為

之仰陽勝於周身則汗不出而熱也腎主精液齒

乾精液竭矣心主血液煩冤血液枯矣腹滿中焦

之生氣絕矣此陽熱偏勝之死證然能苟延於冬

而不能幸免於夏

痿論

腎熱者色黑而齒槁

帝曰人有病頭痛以數歲不已此安得之名為何病

岐伯曰當有所犯大寒內至骨髓髓者以腦為主腦

逆故令頭痛齒亦痛病名曰厥逆

腎生骨髓故所犯大寒之氣而內至骨髓也諸

髓皆屬於腦故以腦為主髓邪上逆則入於腦是

以頭痛數歲不已齒乃骨之餘故齒亦痛也此下

受之寒上逆於顛頂故名曰厥逆

至真要大論

歲少陰在泉熱淫所勝民病腹中常鳴氣上衝胃喘

不能久立寒熱皮膚痛目瞑齒痛頰腫

少陰在泉卯酉歲也腹中常鳴者火氣奔動也

氣上衝胃者火氣炎上也喘不能久立寒熱皮膚

痛者火淫肺金也目瞑者熱甚陰虛畏陽光也齒

痛頰腫者熱乘陽明也

痛頰腫者熱乘陽明也

靈樞經

經脈篇

手陽明之脈其支者從缺盆上頸貫頰入下齒中足陽明之脈下循鼻外入上齒中

邪客篇

天有列星人有牙齒

扁鵲難經

驗病死候

病人腎腫齒焦者死脾腎絕也

病人齒忽變黑者十三日死少陰絕也

漢華佗中藏經

驗病死候

胃絕齒落面黃者七日死一日十

面無光牙齒黑者死

齒忽黑色者十三日死

唐孫思邈千金方

論證

凡齒斷宜露多是蠱蟲及月蝕以角蒿灰夜敷斷間使滿勿食油不過二三夜燻食油及乾漿即發所以患齒者忌油乾漿及桂心每旦以一捻鹽內口中以溫水含揩齒及叩齒百遍爲之不絕不過五日口齒即牢密凡人齒斷不能食果菜者皆由齒根露也爲此鹽湯揩齒叩齒法無不愈也神良凡人好患齒病多由月蝕夜食飲之所致也識者宜慎之所以日月蝕未平時特忌飲食小兒亦然

齒屬腎

齒者骨之所終髓之所養腎實主之故腎衰則齒豁精盛則齒堅虛熱則齒動

毒痰痛

熱則生痰毒氣上攻灌注經絡最能發痛外證痰盛欬唾宜二陳湯加細辛枳殼生薑大棗烏梅煎服仍以薑黃葦荻等分煎湯候溫以舌浸湯內涎自流出效

蟲蝕痛

凡人飲食不能潔齒腐臭之氣淹漬日久齒齦有孔蟲蝕其間蝕一齒盡又度其餘至如疳匿皆其種類必殺蟲而後痛止

痛因

手陽明之支脈入齒壅則齒浮虛則宣露挾風則上攻頭面疳匿則變成齲脫

牙癰

牙邊生癰如豆大此脾胃二經火也宜用小刀點破搽以冰片散再服清胃湯甘桔湯無不愈矣

牙腫

齒屬腎經此證或風乘虛而入發腫或飲酒太過而腫或血虛而腫或剔傷而腫或房勞陰虛而腫治法宜以意詳證消息而治

牙宣

牙宣謂脾胃中熱湧而宣露也此證牙齒縫中出血上屬脾下屬胃吐血痰至升斗難療者急宜速治遲則難生先用蚌水灌淨然後吹藥

金劉完素六書

寒入腦痛

腎虛犯大寒頭疼齒亦痛痛之甚數歲不已者是也以天南星丸主之

元張從政儒門事親

痛屬火

有人因上下齒痛凡痛發輒取去不數年上下齒盡至五十歲生硬之物皆不能食夫上下齒痛皆由手足陽明二經風熱甚而痛矣可用大小承氣湯藏用丸祛風丸等藥瀉之則痛當自止內經曰諸痛癢瘡瘍皆屬心火王冰云百端之起皆自心火心火也火生土之故也出牙之故不可不知

風疰疼

夫風疰牙疼久不愈者用針插巴豆一枚於燈焰上燎煙未及存性於牙窩根盤上熏之則愈

李杲十書

論證

夫齒者腎之標口者脾之竅諸經多有會於口者其牙齒是手足陽明之所過上齦隸於坤土乃足陽明胃之脈所貫絡也止而不動下齦嚼物動而不休乃手陽明大腸之脈所貫絡也手陽明惡寒飲而喜熱足陽明喜寒飲而惡熱其病不一牙者腎之標亦喜寒寒者堅牢爲病不同熱甚則齒動齲脫作痛不已故所治療不同也有惡熱而作痛者有惡寒而作痛者有惡寒惡熱而作痛者有惡寒飲少熱飲多而作痛者有惡熱飲少寒飲多而作痛者有牙齒動搖而作痛者有齒袒而作痛者有齒齲爲疳所蝕缺少血出而作痛者有齒齲腫起爲痛者有脾胃中有風邪

但覺風而作痛者又有牙上多爲蟲所蝕其齒缺少而色變爲蟲牙痛者有胃中氣少不能禦寒袒露其齒作痛者有牙齒疼痛而穢臭之氣不可近者痛既不一豈可一藥而盡之哉

胃有實熱上齒痛尤甚宜涼膈散大黃酒蒸爲君加知母石膏升麻爲佐頻頻含嚥即愈
微惡寒飲大惡熱飲宜立效散

熱痛

熱痛者腸胃積熱齒齦腫爛口氣臭穢宜涼膈散加知母石膏升麻爲佐酒蒸大黃爲君嚥嚥即愈
朱震亨心法

痛屬熱

牙齒之痛因胃中濕熱上出於牙齦之間適被風寒或飲冷所鬱則濕熱不得外達故作痛也寒是表故外用辛溫擦漱之藥熱是本故內服辛涼散熱之劑牙痛用梧桐淚爲末少加麝香擦之牙大痛必用胡椒輩及能散其中浮熱間以升麻寒水石佐以辛涼劑芥薄荷細辛之類若用清涼藥便使痛不開必須從治如華茱川芎薄荷荊芥細辛樟腦青鹽之類
明虞搏醫學正傳

論證

內經曰百病之起有生於本者有生於標者夫齒者腎之標骨之餘也足陽明胃之脈貫絡於齒上齦手陽明大腸之脈貫絡於齒下齦手陽明惡寒飲而喜熱飲足陽明惡熱飲而喜寒飲故其爲痛有惡寒惡熱之不同也有開口呿風則痛甚者腸胃中有風邪也有開口則穢臭不可近者腸胃中有積熱也或爲

痛而齒動搖或爲痛而蟲侵蝕又有齒縫疎豁飲食不便者比比是也大抵齒齦露而動搖者腎元虛也治宜滋陰補腎爲要憎寒壯熱而口臭穢者胃氣熱也治宜安胃瀉火爲良其所謂風邪蟲蝕之證蓋因熱生風而風生蟲腸胃之火既平更加以擦牙誅蟲之藥以治其標無有不安之理也
戴思恭證治要訣

痛證

牙痛有風毒熱壅蝕蛀腎虛未辨何證俱用消風散揩抹諸證俱宜香附炒黑三分炒鹽一分研勻揩用如常

有牙蟲已出其孔穴空虛而痛者此乃不可不知宜用乳香少許火炙令軟以實之

腎虛牙浮而痛甚則憎寒壯熱全具如欲脫之狀宜安腎丸間進黑錫丹

李時珍本草綱目

食酸齒軟

楚人多食酸則齒軟謂其水生木水氣弱木氣盛故齒如是

王綸明醫雜著

牙牀腫痛

牙牀腫痛齒痛搖動或黑爛脫落世人皆作腎虛治殊不知此屬陽明經濕熱蓋齒雖屬腎而生於牙牀上下牀屬陽明大腸與胃相連木生於土也腸胃傷於美酒厚味膏粱甘滑之物以致濕熱上攻則牙牀不清而爲腫爲痛或出血或生蟲由是齒不得安而動搖黑爛脫落也治宜瀉陽明之濕熱則牙牀清寧而

齒自安固矣

按齒痛若因手足陽明經濕熱用東垣清胃散若因風寒入腦腦痛齒亦痛用羌活附子細辛湯若因思慮傷脾用歸脾湯若因鬱火所致用越鞠丸若因酒麪炙煇而發用清胃散若因飲食傷脾用六君子湯若因勞傷元氣用補中益氣湯若脾胃素弱用六君當歸升麻若因腎經陰虛用六味丸若因腎經陽虛用八味丸若陰陽俱虛用十補丸若脾腎虛寒用安腎丸徐用誠先生云凡齒病惡寒熱等證屬手足陽明經齒搖齦脫屬足少陰經齒齦腫痛出血皆胃火所致也亦有諸經錯雜之邪與外因爲患者

李梴醫學入門

瘀血痛

風熱挾攻眼間令血出痰滯不消單痛鑽刺宜犀角地黃湯或加減甘露飲加升麻

宜露動搖

齒齦宜露動搖者腎元虛也宜八味丸滋陰補腎

風熱痛

風熱者外風與內熱相搏齒齦腫痛濃汁臭穢宜犀角升麻湯兼以荊芥湯含漱

風冷痛

風冷者齒齦不腫不蛀日漸動搖宜溫風散兼以開笑散含漱

蟲蝕痛

齒病變成骨槽風出血骨露者宜玉池散

惡寒惡熱

足陽明胃絡脈入齒上縫其病喜寒飲而惡熱飲手陽明大腸絡脈入齒下縫其病喜熱飲而惡寒飲熱牙痛怕冷水冷牙痛怕熱水不怕冷熱乃風牙痛

熱痛

如濕熱被風冷鬱而作痛宜當歸龍膽散

久年齒痛黑爛脫落必吸凉稍止乃膏梁濕熱之火調胃承氣湯加黃連下之

龔信古今醫鑑

脈法

右關脈洪數或弦而洪腸胃中有風熱而痛尺脈洪大而虛者腎虛主齒動搖疎豁相火上炎而痛

痛證

齒病有開口呿風則痛甚者胃中有風邪也有開口則臭穢不可近者腸胃中有積熱也有齒根腫而痛者胃熱也有痛而動搖者腎元虛也有孔而痛者蟲蝕也上引牙痛亦屬足少陰腎經虛熱宜細辛湯下引牙痛屬手陽明虛熱有風宜白芷湯薛己口齒類要

總論

齒者腎之標口者脾之竅諸經多有會於口者齒牙是也徐用誠先生云齒惡寒熱等證本手足陽明經其動搖脫落本足少陰經其蟲疳齲腫出血痛穢皆濕熱胃火或諸經錯雜之邪與外因為患治法濕熱甚而痛者承氣湯下之輕者清胃散調之大腸熱而齲腫痛者清胃散治之重則調胃九清之六鬱而痛者越鞠丸解之中氣虛而痛者補中益氣湯補之思慮傷脾而痛者歸脾湯調之腎經虛熱而痛者六味

九補之腎經虛寒而痛者還少丹補之重則八味丸主之其屬風熱者獨活散大寒犯腦者白芷散風寒入腦者羌活附子湯病證多端當臨證制宜張三錫醫學準繩六要

論酒色因

牙牀屬胃牙齒屬腎中年酒色過度精弱不能榮於齒而厚味酒毒日腐於胃其榮於齒牀者皆濁濁則腐潰譬之土不堅則樹搖倒齒落之象矣牙根痛者牀熱而將腐也經曰丈夫五八腎氣衰髮墮齒槁生數四十而腎已衰何況斲喪遺生者勿全責於藥也王肯堂證治準繩

齒部所屬

統屬足少陰腎經

素問曰丈夫五八腎氣衰髮墮齒槁又曰腎熱者色黑而齒槁少陰終者面黑齒長而垢齒分上下齲上齲屬足陽明胃經

素問曰邪客於足陽明之經令人軌齲上齒寒

針經曰上引痛喜寒而惡熱取足陽明之原衝陽穴在兩足跗上五寸骨間動脈中註引判也左半

為引右半為片朱丹溪曰當灸三里穴三里足陽明經之合穴也在兩膝下外側輔骨下三指地離

胛骨外一指許兩筋間宛宛中也

下齲屬手陽明大腸經

張潔古曰泰炁去下牙痛及除本經風濕針經曰下引痛喜熱而惡寒取手陽明之原合谷穴在

兩手大指次指岐骨間陷中朱丹溪曰當灸三間穴三間手陽明經之合穴也在兩手大指次指本

節後內側骨上縫中赤白肉際

男子八歲腎氣實而齒更生三八具牙生五八則齒槁八八則齒去矣女子亦然以七為數蓋腎主骨齒乃骨之餘髓之所養也故隨天癸之盛衰也足陽明

之支者入於上齒手陽明之支者入於下齒若骨髓不足陽明脈虛則齒之諸病生矣何以言之陽明金也齒屬腎水也陽明之支入齒此乃母氣榮衛其子

也故陽明實則齒堅牢陽明虛則齒浮動所以齒痛者乃陽明經有風冷濕熱之邪乘虛而入聚而為液

為涎與齒間之氣血相搏擊而痛也若熱涎壅盛則腫而痛也熱不盛則齒齲微腫而根浮也有蟲牙痛

者由濕熱生蟲蝕其根而作痛也有齒間血出者由陽明之支有風熱之邪入齒齲搏於血故血出也有

齒齲者亦以陽明入風熱之邪搏齒齲氣血腐化為膿出臭汁謂之齲齲亦曰風齲有齒齲者是蟲蝕齒

至齲膿爛汁臭也有齒挺者由氣熱傳入於脈至齒斷間液沫為膿氣血竭肉齲消故齒根露而挺出也

有齒動搖者陽明脈虛氣血不榮故齒動搖也有齒齲者由骨髓氣血不能榮盛故令牙齒黯黑謂之

歷齒其齒黃黑者亦然以此而言豈非諸齒病皆因陽明之所致哉

劉宗厚云外冒風寒或口吸寒冷致牙疼者皆外因

也實熱虛火骨蒸氣鬱血熱蟲蛀皆內因也硬物所

支打擊等致皆不外內因也

冬時風寒濕頭疼項筋急牙齒動搖疼痛宜麻黃散

大寒犯腦連頭痛齒亦痛宜細辛散白芷散蠅梢散

牙痛用清涼藥更痛甚者從治之用萆薢芡川椒薄荷

荆芥細辛樟腦青鹽爲末擦牙上得熱而痛得涼則止者以辛涼藥治之因服補胃熱藥致上下牙疼痛不可忍牽引頭腦滿面發熱大痛陽明之別絡入腦喜寒惡熱乃手陽明經中熱盛而作其齒喜冷惡熱清胃湯主之寒多熱少者微惡熱飲大惡寒飲宜草豆蔻散熱多寒少者微惡寒飲大惡熱飲宜麝香散立效散上牙牙疼升麻散下牙牙疼白芷散平昔多食肉人口臭牙齒動搖欲落或血出不止乃內傷濕熱膏粱之疾也宜神功丸牙散調胃承氣去積加黃連湯若熱壅牙疼腫連腮頰乃陽明經熱也宜金沸草散去麻黃加薄荷如其數

骨槽風

或問牙齦腫痛寒熱大作腐爛不已作疳治之無益何如曰此骨槽風一名穿腮毒由憂愁思慮驚恐悲傷所致初起生於耳下及頸項間隱隱皮膚之內略有小核漸大如胡桃日增紅腫或上或下或左或右牙關緊急不能食先用鴉翎探吐風痰服黃連解毒湯活命飲加元參桔梗柴胡黃芩切不可用刀針

上齲癰

或問上齲生疽狀如紫葡萄何如曰是名懸癰屬手太陰手厥陰心包絡令人寒熱大作舌不能伸縮口不能開闔惟欲仰面而臥鼻中時出紅涕屬手足少陰經及三焦積熱所致宜黃連消毒飲加桔梗元參急刺出血犀角琥珀膏敷之壯實者一粒金丹下之過時不治飲食不入神昏脈亂者死

牙癰

或問牙根生癰何如曰此名附牙癰屬足陽明胃經

熱毒所致宜清胃散黃連消毒飲或刺出血則愈陳實功外科正宗

齒病

齒病者有風有火亦有陽明濕熱俱能致之風痛者遇風發作浮腫隨後生痛以消風散治之火痛者則齒根必牽扯顫顫陣陣作痛時發時止以冰硼散搽之出涎自愈陽明經濕熱作痛者其患肥頰浮腫甚牽引太陽疼連頸項口中熱氣大便結燥當宜涼膈散加石膏治之又腫高軟者內必有膿用針刺破出膿自愈有齒齦病爛出血不止者內服犀角地黃湯外搽人中白散又小兒鑽齒疳牙根尖穿出血根肉外芒刺嘴脣作痛用鉗針挑破牙面好肉以手取去本牙出血不止以濕紙換貼二三次其血自止必兼戒厚味其牙復生如舊

走馬疳

走馬疳言患迅速不可遲延故也其患多在痧痘餘毒所中又有雜病熱甚而成者其患牙根作爛隨變黑腐作臭甚者牙齦脫落根柯黑朽不數日間以致穿腮破唇誠爲不治初起宜用蘆薈消疳飲外用人中白散或冰硼散二藥搽之取去黑腐內是紅肉血流者爲吉如取時頑肉不脫腐爛漸開敷腫外散臭味不止更兼身熱不退者俱爲不治

趙獻可醫貫

齒論

素問曰男子八歲腎氣實而齒更生三八眞牙生五八則齒槁八八而齒去矣女子亦然以七爲數蓋腎主齒齒者骨之標髓之所養也凡齒屬腎上下齲屬

陽明上齲痛喜寒而惡熱取足陽明胃下齲痛喜熱而惡寒取手陽明大腸凡動搖袒脫而痛或不痛或出血或不出血全具如欲落之狀者皆屬腎經曰腎熱者色黑而齒槁又曰少陰終者面黑齒長而垢其蟲并齦腫不動潰爛痛機者皆屬陽明或諸經錯雜之邪與外因爲患俱分虛實而治腎經虛寒者安腎丸還少丹重則八味丸主之其冬月時大寒犯腦連頭痛齒牙動搖疼痛者此太陽並少陰傷寒也仲景用麻黃附子細辛湯凡腎虛者多有之如齒痛搖動肢體倦怠飲食少思者脾腎虧損之證用安腎丸補中益氣並服如喜寒惡熱者乃胃血傷也清胃湯若惡寒喜熱者胃氣傷也補中益氣湯

凡齒痛遇勞即發或午後甚或口渴面鰲或遺精者皆脾腎虛熱補中益氣用六味丸或十全大補湯若齒齦腫痛痼連頰頰此胃經風熱用犀角升麻湯若善飲者齒痛頰頰頰此胃經濕熱清胃湯加葛根或解醒湯

齒病方論

吳崐醫方考

腎虛齒長而痛者滋陰大補丸加鹿茸方治之蓋腎主骨腎虛則髓弱髓弱則骨枯骨枯則不能固齒故今齒長而動響之敗凡焉凡敗木枯則緊實之寸木搖搖而出以水澤之則敗凡潤而寸木固故治此者宜滋陰補腎腎不虛則齦骨潤齦骨潤則齒固矣是方也熟地牛膝杜仲山萸五味枸杞皆味厚之品也可以滋陰益腎巴戟從蓉茴香遠志石菖蒲山藥茯苓皆甘溫之品也可以溫腎生精乃鹿茸者取其爲

血氣之屬得陰氣之最完故用之以爲補腎填精益髓之品耳紅棗肉者味甘益脾故用之以劑丸也

齊大夫病齕齒倉公爲之作苦參湯日漱三升五六日病已蓋取其苦能安齒蟲寒能去風熱也後人無風盡有用苦參潔齒久而病腰重者降多故也此不知三軍之事而從三軍之政未有不敗者也

牙痛惡寒喜熱者莫牙散主之凡人臥去之時開口引其風寒因致牙痛故得寒飲則助其邪而痛甚得熱飲則散其寒而少寬是方也附子尖天雄尖辛熱之品也用之所以溫寒乃全蠍者微毒之品也假之就寒毒之區兼療風邪云爾或用乾薑荳蔻細辛作湯以漱之亦是治寒之意

風熱牙疼喜寒惡熱者定風湯漱之蓋內生風熱併於口頰邪火自實因致牙疼故得寒飲則陰陽微和而痛少可得熱飲則以火濟火而痛亦深是方也用牙皂荆芥葱白之辛溫以散其風用朴硝石膏之鹹寒以驅其熱

凡牙間有孔而痛者梧桐淚蟾酥荳蔻子韭子石灰五件得一治之皆獲奇效蓋梧桐淚主火毒風疳蟾齒王海藏常奇之矣蟾酥主牙蝕到處痛定林元禮常奇之矣荳蔻子炮氣蒸齒去蠱孫真人常奇之矣韭子入艾燒煙熏蜜朱丹溪常奇之矣此皆古人之方也新得一方只是新燒石灰一物蜜丸著於齒蝕之處應手而愈此則古人之所未道也

本事方云取牙不犯手用草烏華荑各半兩川椒細荑各二兩爲細末每用小許以錢指在患牙內外如此數次其牙日傷則易落矣蓋四物皆辛熱之品入

齒齕而數傷之則齒肉日離此近理之方也

景岳全書 臣張介賓著

論證

齒牙之病有三證一曰火二曰風三曰腎虛凡此三者病治各有不同辨得其真自無難治之齒病矣凡火病者必病在牙牀肌肉間或爲腫痛或爲糜爛或爲臭穢脫落或牙縫出血不止是皆病在經絡而上牙所屬足陽明也止而不動下牙所屬手陽明也嚼物則動而不休此之病必爲美酒厚味膏粱甘膩過多以致濕熱畜於腸胃而上壅於經乃有此證治宜戒厚味清火邪爲主

蟲痛者其病不在經而在牙亦由肥甘濕熱化生牙蟲以致蝕損蛀空牙敗而痛治宜殺蟲爲主濕熱盛者亦宜兼清胃火

腎虛而牙病者其病不在經而在臟蓋齒爲骨之所終而骨則主於腎也故曰腎衰則齒豁精固則齒堅至其爲病則凡齒脆不堅或易於搖動或疎豁或突而不實凡不由蟲不由火而齒爲病者必腎氣之不足此則或由先天之稟虧或由後天之斲喪皆能致之是當以專補腎氣爲主

傷於外因者或以擊損或以跌仆或勉強咬嚼堅硬等物久之無不損齒此豈藥之可療知者自慎也

治法

陽明熱壅牙痛宜清胃散清胃飲之類火甚者宜抽薪飲太清飲之類以清其源也若腎陰本虛胃火復盛上實下虛而爲熱渴腫痛者玉女煎爲最妙牙痛外敷之藥惟辛溫可以散熱宜細辛煎丁香散

薑黃散赴筵散之類然惟二辛煎三香散爲尤妙蟲牙蛀空疼痛宜瑞竹堂方非子湯巴豆丸藜蘆散皆可擇而用之

牙縫出血不止無非胃火所致宜以前清胃等藥主之亦有陰虛於下格陽於上則六脈微細全非實熱火證牙縫之血大出不能止而手足厥冷者速宜以鎮陰煎主之若誤用寒涼必致不救

腎虛牙齒不固或搖動或脆弱浮突者雖宜以補腎爲主然亦當辨其寒熱凡左歸丸六味丸可壯腎中之陰右歸丸八味丸可補腎中之陽須通加骨碎補丸服九妙若齒牙浮動脫落或牙縫出血而口不臭亦無痛者總屬陰中之陽虛宜安腎丸之類主之

走馬牙疳牙牀腐爛齒牙脫落謂之走馬者言其急也此蓋熱毒蘊蓄而然凡病此者大爲凶候初見此證速宜內瀉陽明之火兼以萊豆飲常服之外用水白散冰玉散三仙散磨擦散北棗丹之類敷之

石室祕錄 臣陳士鐸著

生齒

長齒法方用雄鼠脊骨全副餘骨尾頭俱不用磨香一分熟地身懷之令乾骨碎補妙各爲末三錢但熟地必須自製切不可經鐵器一犯則前藥俱不效矣生地亦須看一做過經鐵針穿孔者即不效細辛三分榆樹皮三分總之羣藥俱不可經鐵器當歸一錢青鹽二錢杜仲一錢足矣各爲絕細末鼠骨去肉不用新瓦上焙乾爲末不可燒焦乘其生氣也用一磁瓶盛之每日五更時不可出聲將此藥輕擦在無牙之處三十六擦藥任其自然嚙下不可用水漱口一

月如是日間午間擦之更佳亦如前數

固齒

固齒方用雄鼠脊骨一副熟地細辛榆樹皮骨碎補各三錢青鹽當歸各一錢杜仲二錢各為末裹在綿紙成條咬在牙牀上以味盡為度末不齒落矣然亦不可經鐵器經則不效此藥可救數百人大約一人須用三條

方一

細辛湯 醫鑑下同

治牙疼

細辛一錢半 蔓荊子 鼠黏子各一錢 升麻黃連 防己各七分 薄荷葉三分 單芩一分 黃蘗酒炒 知母酒炒各五分
右剉作一貼水煎服

白芷湯

治風火牙疼

防風 荆芥穗 連翹 白芷 薄荷 赤芍藥石膏各一錢
右剉作一貼水煎服

當歸連翹飲 春同

治齒痛呷風痛甚開口臭穢

細辛三分 當歸 生地 川芎 連翹 防風 荆芥穗 香白芷 羌活 黃芩 梔子 枳殼甘草各七分
右剉作一貼水煎服不拘時

溫風散 門入

治風冷齒痛

當歸 川芎 細辛 白芷 單芩 露蜂房藥本各一錢
右剉水煎服仍含漱吐之

瀉胃湯 同春下同

治牙痛如神此胃熱也

當歸 川芎 赤芍藥 生地黃 黃連 丹皮 梔子 防風 荆芥 薄荷 甘草各一錢
右剉作一貼水煎服

滋陰清胃丸

治陽明血熱上下牙牀腫痛紅爛肉縮齒根露

石膏火煨酢淬二兩 當歸酒洗 生地黃酒洗 梔子鹽水炒 丹皮各一兩 黃連酒炒 知母 葛根 防風各七錢 生甘草節四錢 升麻白芷各五錢
右為末蒸餅和丸菜豆大米飲下百九

定痛散

治蟲牙痛甚

當歸 生地黃 細辛 乾薑 白芷 連翹 苦參 黃連 川椒 桔梗 烏梅 甘草各一錢
右剉作一貼水煎噙漱後嚥下

清胃湯 同春

治牙牀腫痛動搖黑爛脫落皆屬手足陽明二經

石膏末二匙 藿香五分 條芩 連翹 丹皮 梔子炒各一錢 生地黃酒洗 黃連炒各八分 升麻 白芍藥煨 桔梗各七分 甘草三分

右剉作一貼水煎食遠服

羌活散

治風寒濕犯腦痛牙齒顫動搖祖脫

草豆蔻一錢 柴胡五錢 麻黃 防風各三錢 羊脛骨灰二錢 羌活錢半 歸身六分 蒼木升麻各五分 藥本 香白芷 桂枝各三分 細辛少許
右為末溫水漱口淨擦之其痛立止

雄黃定痛膏 日精

治牙痛

大蒜二枚 細辛 焰硝各三錢 雄黃一錢 猪牙皂角四錢
右為末蒜搗膏為丸梔子大每一丸將綿裹左邊牙痛塞左耳中右邊塞右耳良久痛止神效

殺蟲丸 醫鑑下同

治蟲牙痛

好砒霜不拘多少 黃丹少許
以黃蠟鎔成一塊旋用旋丸如黃豆大用白綿包裏雷尾如右牙疼則塞右耳左牙疼則塞左耳兩邊疼則塞兩耳必深入耳孔一夜其蟲即死永不復疼矣

哭來笑去散

治牙齒痛神效

雄黃 乳香 胡椒 麝香 單芩 良薑 細辛 右等分為末每用少許吹男左女右鼻中立止如頭痛臉腫用紙捲藥末在內作條蘸香油點著燎牙痛處條燒盡痛即止

牙疼方

雄黃 沒藥各一錢 細辛五分

右爲末若左邊疼用少許嚥入左鼻又吹入右耳
若右邊疼嚥右鼻又吹入左耳

韭子九分

治蟲牙痛

韭子 全蠍各一兩 乳香 雄黃各一錢五分

右爲末鎔黃蠟和丸彈子大磁瓶內燒一丸以紙蓋口以筆管引烟熏牙孔其蟲盡出將藥瓶安於水中其蟲撲在水中

血竭散

治牙疳惡瘡久不瘥

蒲黃二錢 血竭五分 龍骨 枯白礬各一錢

寒水石煨四錢

右爲末取少許搽瘡上以紙封貼

麝香散

治疳蠱牙齦臭爛出膿水

枯白礬 青黛 胡黃連 蘆薈各二錢五分

蝦蟇灰五分 麝香二分五釐

右爲末每五分搽敷患處加梧桐淚二錢五分尤妙

牙疳藥

信砒 青黛 輕粉各一錢 麝香五分

右爲末香油攤紙上用木槌槌實收起臨臥以藥水漱淨可瘡口大小以藥紙封之至曉去藥紙漱淨勿嚥三次必效

白牙藥

牙齒黃黑不瑩淨

石膏細末 砂鍋細末各一兩 零陵香 白芷 青鹽 升麻各二錢半 細辛一錢 麝香五分

右爲細末每早晨取少許擦齒上溫水漱口吐出

取疼牙落不犯手方

川椒 細辛各一兩 草烏 萆薢各五錢

右爲細末每少許搽痛齒自落

取蛀牙法

硼砂 硃砂各一錢 硃砂二錢 川烏尖七箇

附子尖十四箇 蟾酥七箇 信砒二錢

右五月五日合爲末取少許指牙上牙落後以防

風刺芥甘草煎湯漱吐

牙落重生方

雄鼠一箇剝去皮用礪砂擦上三日肉爛化盡取骨瓦上焙乾 香附一兩 白芷 川芎 桑白皮

地骨皮 蒲公英 川椒 旱蓮草 明淨青鹽

川樅皮各三錢

右爲細末擦百日其牙復生良驗

又方

未開眼嫩老鼠三四箇 白芨 白芷 青鹽

細辛 當歸 熟地黃各五錢

先將五味爲末入地黃搗爛如泥和勻作一餅包

老鼠在內外用濕紙包裹文武火燒盡煙絕取出

研爲末擦上即生牙

謝傳笑去散

治牙齒痛

乳香 沒藥 雄黃 胡椒 兩頭尖 烏藥

右等分爲末擦患處吐涎即愈

固齒散

大鼠一箇去肉取骨 川椒炒 乳香各二兩

香附子炒 白蒺藜炒 青鹽各一兩

右爲末每日擦牙永無齒病

香椒散

治冷證齒痛

香附子 川椒 破故紙各二錢 萆薢一錢

右爲末入炒鹽二錢擦牙上

鹹鬼散

治胃熱齒痛

麝香少許 黃連 梧桐淚 荊芥穗 薄荷

升麻 羊脛骨灰等分

右爲末擦之神效

擦牙方

荊芥 薄荷 細辛 梧桐淚等分 麝香少許

右爲末擦牙熱加馬牙硝冷加川椒

清胃散

治因服補胃熱藥致上下牙疼痛不可忍牽引頭

腦滿面發熱大痛陽明之別絡入腦喜寒惡熱乃

手陽明經中熱盛而作其齒喜冷惡熱

生地黃三分酒洗 升麻一錢 牡丹皮五分

當歸身三分 揀黃連三分如連不好更加二分夏

倍之 右五味同爲細末水煎至一半去滓候冷細呷之

右剉作一貼入生薑三片黑豆百粒煎熟漱冷吐之

荊芥湯 直指下同

治風熱齒痛

荊芥 薄荷 升麻 細辛各三錢

右爲末沸湯點含漱冷吐之

開笑散

治風冷齒痛

白芷 細辛 良薑 萆薢 川椒 香附子

露蜂房各等分

右爲末每三錢水煎含漱或擦之

椒鹽散

治蟲牙痛

川椒 白鹽 露蜂房各一錢

右剉入葱白三莖煎水熱漱冷吐

蜂窩散 同

治風牙蟲牙痛不可忍

露蜂房 白蒺藜 川椒 艾葉 葱根 荊芥 細辛 白芷各一錢

右剉水酢同煎熱漱冷吐

十全大補湯

治虛牙痛

人參 白朮土炒 白芍藥炒 白茯苓去皮

黃芪製 當歸 製甘草 熟地 川芎各一錢

桂心二分

右加薑二片膠棗三枚煎服

麻黃附子細辛湯 原仲景

治少陰牙疼

麻黃去節 細辛去土各二兩 附子一枚

水煎服

葛花解醒湯

治嗜酒牙疼

葛花 砂仁 白豆蔻 陳皮 人參 茯苓各五分

神麴炒 白朮土炒 乾薑 青皮去蘊炒

澤瀉各二分

水煎服

天南星丸

治痰火上逆牙疼

天南星炮 硫黃研 石膏研 硝石研各等分

右爲末麴糊爲丸如梧桐子大每服二十九空心

日午臨臥三時服

犀角地黃湯

治陰虛火盛牙疼

生犀角鎔 牡丹皮各二錢五分 白芍藥二錢

生地黃一兩五錢

水煎服

涼膈散

治胃火牙腫痛牙宣

黃芩酒炒 梔子炒 薄荷各一兩 連翹四兩

大黃酒浸 芒硝 甘草各二兩

右共爲末每服五錢

消風散

治風火牙疼 荆芥穗 製甘草 陳皮 厚朴薑汁炒 藿香

蟬蛻 人參 白殭蠶炒 茯苓 防風 芎藭 羌活

右水煎服

巴豆丸

一名一笑散治蟲牙疼痛蝕孔空虛

巴豆一枚 花椒五十粒細研

右爲極細末飯九黍米大綿包裹蛀孔

藜蘆散

治蟲牙疼痛

藜蘆不拘多少

爲末塞孔中勿令嚙汁有涎吐之大有神效

韭子湯

治蟲牙

韭菜子一撮

右碗盛用火燒煙外用小竹管將下截劈爲四開

以紙糊如喇叭樣引煙熏其蛀齒如下牙蛀者以

韭子煎濃湯漱之蟲自出

北棗丹

治走馬牙疳

北棗去核一箇 信砒一釐

右以信入棗內燒存性研細每以些小敷患處

三仙散

治走馬牙疳一時腐爛即死

銅綠三分 麝香一分 婦人溺桶白垢火煨一錢

右爲極細末敷上不可太多

犀角升麻湯

治風熱牙痛

犀角鈔七錢 防風 羌活各五錢五分 白芷

黃芩 白附子各二錢五分 甘草一錢五分

升麻五錢

右每服七錢水煎

琥珀犀角膏

治牙火疼并牙宣

真琥珀研 犀角屑生用各一錢 人參去蘆

酸棗仁去皮研 茯神去皮木 辰砂研各二錢

片腦研一字

右為細末研勻煉蜜和為膏以磁器收貯候其疾

作每服一彈子大以麥門冬去心濃煎湯化下一

日連進五服

加減甘露飲

本事方

治胃熱牙宣

熟地黃 生地黃 天門冬去心 黃芩 枳殼

枇杷葉去毛 茵陳 金釵石斛各一兩 甘草

犀角鈔各五錢

右為末每服二錢水一盞煎至七分去查食後臨

臥溫服小兒一服分作兩服更斟酌與之

麝香散

治走馬牙疳危惡證候

麝香少許 膽礬一錢 銅綠五錢 白礬生五分

右為細末敷牙患處

二陳湯

治痰火牙痛

陳皮 半夏製各三錢 茯苓二錢 製甘草一錢

水二鍾薑三片棗一枚煎食遠服

安腎丸

治腎經積冷下元虛憊牙疼

肉桂去麝皮不見火 川烏炮去皮臍各一兩

白木 山藥 茯苓 肉蓯蓉酒浸製 巴戟

白藥炒去刺 草薢 桃仁麩炒 石斛製

破故紙炒各三斤

右為末煉蜜為丸如桐子大每服三五十丸溫酒

或鹽湯下空心食前服

黃連消毒散

治實熱齒痛

黃連炒 羌活各一分 黃芩 黃蘗 桔梗

藥本 防己各五分 當歸尾 連翹 防風

獨活 知母炒 生地各四分 黃芪 蘇木

陳皮 澤瀉各二分 人參 甘草各三分

右水煎服

大承氣湯

治胃實牙疼

大黃四兩酒浸 芒硝三合 厚朴半升薑湯炒

枳實五枚數炒

右水煎服

調胃承氣湯

治前證

大黃酒浸 芒硝各一兩 甘草炙五錢

少少溫服

越鞠丸

治肝火鬱怒牙疼

香附酢炒 蒼朮米泔浸 撫芎 梔子炒黑

神效妙各等分

右為末水丸小豆大每服百丸

補中益氣湯

治氣虛牙疼

人參 甘草炙各一錢 升麻五分 當歸身

白朮炒 陳皮 柴胡各五分 黃芪蜜炙一錢半

薑三片棗二枚水煎溫服

歸脾湯

治血不歸經齒宣出血

遠志一錢 人參 茯苓 黃芪 白朮 棗仁

龍眼肉各二錢 木香 製甘草 當歸各五分

薑棗水煎

六味丸

治水虛火盛牙疼

熟地酒蒸八兩 山萸肉 茯苓乳拌各四兩

山藥 澤瀉 牡丹皮各三兩

右蜜為丸如桐子大空心鹽湯送下

八味丸

治命門虛火上炎牙疼

熟地黃砂仁酒拌九蒸九曬八兩 山萸肉酒潤

山藥各四兩 茯苓乳拌 丹皮 澤瀉各三兩

附子 肉桂各一兩

右蜜為丸空心鹽湯下

茵陳散

治牙齒疼痛外面赤腫疼痛及去骨槽風熱

茵陳 連翹 半夏 荆芥穗 麻黃 升麻

黃芩 牡丹皮 射干 羌活 獨活 大黃炮

薄荷 蠶蠶各二錢半 細辛五錢 牽牛一兩

右爲細末每服三錢水一盞先煎湯熱下藥末攪

一攪急瀉出食後連滓熱服

羌活附子湯

治冬月大寒犯腦令人腦齒連痛名曰腦風爲害

甚速非此莫救

麻黃去節 黑附子炮各三分 羌活 蒼朮各五

分 黃芪一分 防風 甘草 升麻 白蠟蠶炒

去絲 黃蘗 白芷各三分 佛耳草有寒嗽者用之如無不用

右水煎服

獨活散

治風毒牙痛或牙齦腫痛

獨活 羌活 川芎 防風各五分 荊芥穗

薄荷 生地黃 細辛

右每服三五錢水煎漱嚥

麻黃散

治寒火牙疼

麻黃根不去節 羊脛骨燒灰 龍膽草酒洗

生地黃各二錢 羌活一錢五分 防風 藥本

升麻 黃連 草豆蔻各一錢 細辛根三分

當歸身 熟地黃各六分

右研極細末依前搽之

白芷散

治大寒犯腦牙齒疼痛

麻黃去節 草豆蔻各一錢五分 黃芪 桂枝各

二錢五分 吳茱萸 白芷各四分 藥本三分

羌活八分 當歸身 熟地黃各五分 升麻一錢

右爲細末先用水漱洗以藥擦之

蠟梢散

治大寒犯腦牙疼

麻黃去節一錢半 歸身 柴胡 白芷各二分

桂枝 升麻 防風 藥本 黃芪蜜炙各三分

羌活五分 羊脛骨灰二錢半 草豆蔻皮一錢

蠟梢少許

右爲末用法如前

半牙地黃散

治牙疼及腦寒痛

麻黃 黃連 羊脛骨灰各一錢 升麻一錢半

草豆蔻皮一錢二分 吳茱萸八分 益智仁

當歸身各四分 藥本二分 防己 生地黃

人參 熟地 羌活各三分 黃芪 白芷各五分

右爲末先漱口淨擦患處

獨活散

治風毒攻蛙齒齦腫痛

羌活 防風 川芎 獨活 石膏 荊芥穗

升麻 乾葛 生地黃 細辛 白芷 赤芍藥

黃芩 甘草

右加薄荷煎服

金沸草散

治風熱牙疼

前胡 旋覆花各一兩 赤芍炒 甘草各一錢

赤茯苓六錢半 半夏製五錢 荊芥穗一兩半

右爲粗末水煎服

當歸龍膽散

治寒熱牙疼

升麻 麻黃 生地 當歸梢 白芷 草豆蔻

羊脛骨灰 草龍膽 黃連各等分

右爲末擦之

益智木律散

治寒熱牙痛

草豆蔻二錢二分 益智仁 當歸身 熟地黃

羊脛骨灰各五分 木律二分 升麻一錢五分

黃連四分

右爲細末擦之如寒牙疼去木律

草豆蔻散

治寒多熱少牙齒疼痛

草豆蔻一錢二分 黃連 升麻各二錢五分

細辛葉 防風各二分 當歸身六分 熟地黃

羊脛骨灰各五分

右爲細末痛處擦之

麝香散

治熱多寒少牙齦肉脫血出齒動欲落大作疼

痛妨食

升麻一錢 黃連 草豆蔻各一錢半 熟地黃

麻黃各一分 益智仁二分五釐 麝香少許

羊脛骨灰二錢 人參 生地黃 當歸 漢防己

酒製各三分

右爲細末每用少許擦牙疼處嚥良久有涎吐去

立效散

治牙齒痛不可忍及頭腦項背痛微惡寒飲大惡

熱飲其脈上中下三部陽虛陰盛是五臟內盛六

腑陽道微脈微小小便清數

防風一錢 炙甘草三分 草龍膽酒洗四分

升麻七分 細辛二分

水一盞煎至五分去滓以匙抄在口中深痛處少

時立止如多惡熱飲更加草龍膽一錢如更惡風

作痛加草豆蔻黃連各五分勿加龍膽隨寒熱多

少臨時加減

升麻散

治上牙牙疼

細辛倍用 黃藥 知母 防己 黃連 升麻

白芷 蔓荊子 牛蒡子 薄荷

右爲末薄荷湯調服及搽牙齦或煎服亦可

白芷散

治下牙牙疼

白芷 防風 連翹 石膏煨 荊芥 赤芍藥

薄荷 升麻倍用

右爲細末薄荷湯調服及搽牙齦或煎服亦可

神功丸

治牙齦腫痛

蘭香葉如無當歸身 木香不見火各一錢

升麻二錢 生地黃酒洗焙 生甘草各三錢

黃連去鬚淨酒洗秤 縮砂仁各五錢

右同爲細末湯浸蒸餅爲丸如菜豆大每服一百

丸或加至二百丸止白湯下食遠服兼治血痢及

血崩血下不止血下褐色或紫色黑色及腸澀下

血空心服米湯下其脈洪大而緩者及治麻木厥

氣上衝逆氣上行妄聞妄見者

牢牙散

治牙齦肉綻有根牙疳腫痛動搖欲落牙齒不長

牙黃口臭

升麻 羌活 羊脛骨灰各一兩 龍膽草酒洗一

兩五錢

右爲細末以紗羅子羅骨灰作微塵末和勻臥時

貼在牙齦上升麻古本作四分亦一兩也

還少丹

治虛火牙疼

肉蓯蓉 遠志 茴香 巴戟 山藥 枸杞

熟地黃 石菖蒲 山茱萸肉 牛膝 杜仲炒

楮實 五味子 白茯苓各等分

右爲末煉蜜同棗肉爲丸梧桐子大每服三五十

丸溫酒或鹽湯送下日三服

黑錫丹

治陽虛牙疼甚者

黑鉛 硫黃各二兩

右將錫鎔化漸入硫黃候結成片傾地上出火毒

研至無聲爲度

牢牙散

治牙無力不能嚼物

升麻三錢 生地黃 石膏各一錢 白茯苓

元參各五錢 羊脛骨燒灰 梧桐淚各三分

黃連一錢三分 麝香少許另研

右爲細末研勻每用少許臨臥擦牙復以溫水漱

去

透關散

治風冷蛀齦

蜈蚣頭 乾蠍梢去毒 草烏尖如麥粒大者

川烏底如錢薄者各七枚 雄黃麥大七粒另研

胡椒七粒

右爲細末用紙燃子蘸醉點藥少許於火上炙乾

塞兩耳間閉口少時即效

刷牙牢牙散

去風冷蛀齦宜露用之甚效

鹽少許研細 槐枝 柳枝各長四寸四十九枝

皂角不蛀者七莖

右同人磁瓶內黃泥固濟煖火燒一夜候冷取出

研細用如常法

白牙散

治牙黃黑色

石膏 升麻各一錢 白芷七分 麝香少許

羊脛骨灰二錢

右爲細末先用溫水漱口擦之妙

麝香刷牙散

固齒變白

麝香一分 升麻一錢 黃連二錢 羊脛骨灰

白豆蔻 草豆蔻各三錢半 歸身 防己酒浸

人參各三分 生地黃 熟地黃各二分 沒石子

三枚 五倍子一箇

右爲細末用如前法

長春牢牙散

烏髭髮去牙風

川芎 砂仁 香附子 百藥煎 丁香 升麻

五倍子 茯苓 細辛 青鹽 金絲舉 甘松
白蔹 檀香 破故紙各五錢 石膏二兩
沒石子 訶子肉各九箇 麝香三錢 麝香五分

右爲細末研勻早晚刷牙次以溫水漱口吐出
沉香散

堅固牙齒榮養髮

沉香 訶子皮 青鹽 青黛研各二錢 白檀
母丁香各一錢五分 當歸身 香附子炒去毛
細辛去苗各五錢 荷葉灰 乳香另研各一錢
苦楝子破四片炒五錢 龍腦另研 麝香另研各
五分 酸石榴皮二兩五錢

右爲細末每用五分如常刷牙溫水刷漱了早晚
二次

殊砂散

揩牙令白淨

殊砂細研 茅香 藿香 丁香 香附 甘松
白芷 升麻 黃丹各一兩 猪牙皂角二兩
寒水石八兩 石膏四兩 白檀 零陵香各五錢
右爲細末研勻每用揩齒甚佳

妙應散

半牙疏風理氣烏髮髮

人參 細辛去苗 白茯苓 香附子炒去毛
川芎 白蒺藜炒去角 砂仁各五錢 百藥煎
白芷 石膏煨 龍骨研各六錢 麝香另研少許
右爲細末早晨臨臥溫水刷漱之

地黃丸

治齒動搖

白茯苓 人參 山萸肉各四兩 枸杞根三兩
生地黃五斤取汁 白蜜一斤 酥少許

右將前四味爲末以好酒一斗煎至三升去滓入
地黃汁白蜜酥同煎至可丸即丸如小豆大每服
二十九丸用溫酒送下一日三服漸加至五服

甘露飲

治丈夫婦人小兒胃中客熱牙宣口氣齒齲腫爛
時出膿血目驗垂重常欲合閉或即候煩不欲飲
食及赤目腫痛不任涼藥口舌生瘡咽喉腫痛瘡
疹已發未發皆可服之

枇杷葉刷去毛 乾熟地黃 天門冬去心焙
枳殼去蘊炒 山茵陳去梗 麥門冬去心焙
石斛去蘊 炙甘草 黃芩 生地黃

右等分爲末每服二錢水一盞煎至七分去滓溫
服食後臨臥小兒一服分兩服量歲數大小加減
與之

五靈膏

治牙齒動搖

五靈脂五錢 松脂 黃蠟各一兩 蟾酥半字
黃丹二錢五分

右於磁器中以慢火熬成膏用白熟絹上攤候冷
剪作片子每夜貼於齦上有津即吐誤嚥不妨此
藥臨臥時用一次於惡硬物底一箇牙根兒下裏
外貼之亦不甚悶若是兒牙堅固自然得力不惡
硬物也

牙動搖疼痛方

五倍子 白茯苓 細辛各五錢 青鹽三錢

右爲細末早晚刷牙久有大效

宣牙膏

治牙齒動搖不牢疼痛不止

定粉 龍骨各二錢五分 麝香一字 黃蠟一兩
右爲細末研勻將黃蠟鎔化和藥放冷取出熨斗
燒熱鋪紙用藥攤之勻薄每用剪作紙條兒臨臥
於齒患處齒齲間封貼一宿至次日早晨取出藥
每夜用之如此半月消牙齲腫悶坐生齲肉治瘡
蝕去風邪牢牙齒大有神效

五倍子散

治牙齒搖動及外物所傷諸藥不效欲落者

川五倍子 乾地龍去土微炒各五錢

右爲細末先用生薑揩牙根後以藥末敷之五日
內不得咬硬物如齒初折落時熱貼齒槽中貼藥
齒上即牢如故

抽薪飲

治牙疼火甚者

黃芩 石斛 木通 黃蘗 梔子炒各二錢

枳殼 澤瀉各一錢五分 甘草五分

水一鍾半煎七分服食遠熱甚者冷服更佳

萊豆飲

治火熱盛極牙疼不止

萊豆不拘多少

用寬湯煮糜爛入鹽少許或蜜亦可待冰冷或厚
或稀或湯任意飲食之日或二三不拘此物性
非苦寒不傷脾氣且善於解毒除煩退熱止渴大
利小水乃淺易中之最佳最捷者也若火盛口甘

不宜厚味但略煮半熟清湯冷飲之尤善除煩清火

右歸丸

治元陽不足牙齒動搖脫落者

大懷熟地八兩 山藥炒四兩 山茱萸微炒

當歸各三兩 勿用 便毒 枸杞微炒 鹿角膠炒珠

菟絲子製 杜仲薑湯炒各四兩 肉桂二兩漸可

加至四兩 製附子自二兩漸可加至五六兩

右先將熟地蒸爛杆膏加蜜為丸彈子大每嚼服

二三丸以滾白湯送下其效尤速

左歸丸

治真陰虧損而牙齒浮腫動搖如欲落者

大懷熟地八兩 山藥炒 枸杞子 山茱萸肉

菟絲子製 鹿角膠敲碎炒珠 龜膠切碎炒珠各

四兩 無火者 不必用 川牛膝酒洗蒸熟三兩 精滑者 不必用

右丸法如前或桐子大每食前用滾湯或淡鹽湯

送下百餘丸

玉女煎

治水虧火盛熱渴牙疼腫痛

生石膏三五錢 熟地黃三五錢或一兩 知母

牛膝各一錢五分 麥冬二錢

水一鍾半煎七分溫服或冷服

冰白散

治走馬牙疳

人中白倍用之 冰片少許 銅綠用酢製者

杏仁二味等分

右為細末敷患處

太清飲

治牙疼火之甚者

知母 石膏 木通各錢半 石膏生五七錢

水一鍾半煎七分溫服或冷服或加麥門冬

二辛煎

治陽明胃火壅盛牙根口舌腫疼不可當先用此

湯漱之漱後敷以三香散或仍服清胃等藥以治

其本

北細辛三錢 生石膏一兩

右水二碗煎一椀乘熱頻漱之

冰玉散

治牙疳牙痛口瘡齒齲喉痹

生石膏一兩 月石七錢 冰片三分 殭蠶一錢

右為極細末小磁瓶盛貯敷之吹之

三香散

治牙根腫痛

丁香 川椒紅等分 冰片少許

右為末敷痛處如無川椒以葶芩代之

固齒將軍散

錦紋大黃炒微焦 杜仲炒去絲半黑各十兩

青鹽四兩

右為末每日清晨擦漱火盛者嚥之亦可

虛牙腫方

藥本 獨活 荊芥 川烏 香附子 當歸

皂角 細辛 川椒

右水酢各半煎乘熱噙漱另服清胃湯玉液散之

類

牙宣方

冰片 五倍子各三分 麝香二分 大紅絨灰

珍珠 硼砂 雞內金煨 人中白煨 元明粉

龍花 牛黃 黃蘗蜜炙褐色末各一錢 黃連末

一錢五分 雄黃五分 鹿角灰二錢

右藥品穿腮腫毒治之亦妙俱另研細末和勻吹

入患處

清胃湯

治前證

當歸梢 黃連酒炒 生地黃酒洗各一錢 升麻

二錢 牡丹皮二錢五分

水一鍾半煎服

玉池散

治前證

藥本 升麻 防風 細辛 白芷 甘草節

當歸 槐花 川芎 獨活 黑豆

水二鍾薑三片煎食遠服